



Ministarstvo poljoprivrede, šumarstva i vodoprivrede HNŽ-K
Ministarstvo poljoprivrede, šumarstva i vodoprivrede HNK
Министарство пољопривреде, шумарства и водопривреде ХНК

Na temelju članka 34. stavak 4. Zakona o izvršenju Proračuna HNŽ za 2024. godinu („Narodne novine HNŽ“, broj: 3/24) i Odluke Vlade HNŽ-K o davanju suglasnosti na Program utroška novčanih sredstava za Ministarstvo poljoprivrede, šumarstva i vodoprivrede s pozicije „Namjenska sredstva od naknada za lovstvo“ za 2024. godinu broj: 01-1-02-1282/24 od 23.05.2024. godine i Odluke o raspisivanju Javnog poziva za raspodjelu sredstava iz tekućeg transfera neprofitnim organizacijama Ministarstva poljoprivrede, šumarstva i vodoprivrede Hercegovačko-neretvanske županije/kantona broj: 06-22-1449/24 od 02.07.2024. godine Ministarstvo poljoprivrede šumarstva i vodoprivrede Hercegovačko-neretvanske županije/ kantona objavljuje

JAVNI POZIV za raspodjelu sredstava iz Tekućeg transfera neprofitnim organizacijama

I PREDMET JAVNOG POZIVA

Predmet Javnog poziva je prikupljanje prijava – projektnih prijedloga za dodjelu novčanih sredstava Ministarstva poljoprivrede, šumarstva i vodoprivrede Hercegovačko-neretvanske županije/kantona (u daljem tekstu Ministarstvo) sukladno Program utroška sredstava s pozicije „Namjenska sredstva od naknada za lovstvo“ za 2024. godinu broj: 06-22-549/24 od 22.04.2024. godine i Odluke Vlade HNŽ-K broj: 01-1-02-1282/24 od 23.05.2024. godine.

II KRATAK OPIS PROGRAMA, CILJEVI PROGRAMA

Javni poziv se raspisuje u cilju sufinansiranja programa unapređenja lovstva na području Hercegovačko-neretvanske županije/kantona. Pod pojmom unapređenja lovstva smatra se: zaštita, održavanje i poboljšanje životnih uvjeta za divljač u lovištu (poboljšanje ispasišta, dodatna ishrana, izgradnja i održavanje solila i pojilišta), dostizanje i održavanje odgovarajuće polne i starosne strukture pojedinih vrsta divljači u okviru utvrđenih kapaciteta lovišta, unošenje novih vrsta divljači u lovište, čuvanje i zaštita divljači i lovišta (opremljena i obučena lovočuvarska služba), izgradnja lovno-uzgojnih i lovno-tehničkih objekata, poduzimanje mjera za smanjenje štete koju pričini divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavka rasnih lovačkih pasa i izdavačka djelatnost.

III UKUPNI IZNOS RASPOLOŽIVIH SREDSTAVA

Sredstva za sufinansiranje programa su osigurana Proračunom HNŽ/K za 2024. godinu na poziciji „Namjenska sredstva od naknada za lovstvo“ – organizacijska jedinica 37010008, ekonomski kod 614300 „Transfer neprofitnim organizacijama“ u iznosu od 22.500,00 KM (dvadeset dvije tisuće i pet stotina konvertibilnih maraka).

IV PRAVO SUDJELOVANJA U JAVNOM POZIVU

Pravo prijave na Javni poziv imaju korisnici lovišta koji sa Ministarstvom poljoprivrede, šumarstva i vodoprivrede HNŽ/K imaju potpisan ugovor o zakupu sportsko-gospodarskog lovišta sa područja Hercegovačko-neretvanske županije/kantona.

V SADRŽAJ PRIJAVE ZA SUDJELOVANJE U JAVNOM POZIVU

Obavezna dokumentacija koja se prilaže uz prijavu:

1. Zahtjev za sudjelovanje u Javnom pozivu

Pod ovim se podrazumijeva uredno popunjen obrazac- zahtjev za prijavu na Javni poziv, u kojem mora biti sažet opis programa i cilj programa, te navedeni osnovni podaci koji se traže od podnosioca zahtjeva (naziv podnosioca zahtjeva, adresa sjedišta, zakonski zastupnik, kontakt osoba, identifikacijski broj (broj poreznog obveznika), transakcijski broj/ naziv banke i iznos sredstava koji se traže za realizaciju programa.

Zahtjev za prijavu na Javni poziv mora biti ovjeren potpisom i pečatom od strane ovlaštene osobe.

Obrazac zahtjeva za prijavu na Javni poziv se preuzima sa web stranice Ministarstva www.mpsv-hnz-k.ba ili web stranice Vlade HNŽ.

2. Rješenje o upisu u Registar udruženja izdato od nadležnog tijela;

3. Uvjerenje o poreskoj registraciji (ID broj);

4. Uvjerenje da se protiv podnosioca prijave, odnosno osobe ovlaštene za zastupanje ne vodi krivični postupak i da nije pravomoćno osuđivan za prekršaj ili počinjeno krivično djelo;

5. Uvjerenje da je podnosilac prijave ispunio obaveze plaćanja poreza i doprinosa;

6. Izjavu, potpisanu i ovjerenu od strane ovlaštene osobe, da je podnosilac zahtjeva ispunio obaveze iz prethodnih sklopljenih ugovora o sufinansiranju iz proračunskih/budžetskih sredstava;

7. Izjavu, potpisanu i ovjerenu od strane ovlaštene osobe, da je podnosilac zahtjeva za prethodnu lovnu godinu uplatio zakupninu za korištenje lovišta u ugovorenom iznosu;

8. Izjavu, potpisanu i ovjerenu od strane ovlaštene osobe, o namjenskom utrošku sredstava iz tekućeg transfera neprofitnim organizacijama – Izjava se preuzima sa web stranice Ministarstva www.mpsv-hnz-k.ba ili web stranice Vlade HNŽ.

Sva navedena dokumentacija dostavlja se u originalu ili ovjerenim kopijama. Dostavljeni dokumenti ne smiju biti stariji od šest mjeseci. Ministarstvo nema obavezu povrata dostavljene dokumentacije.

Nepotpune i neblagovremen prijave (zahtjevi) neće se uzeti u razmatranje

VI KRITERIJI ZA OCJENU PRIJAVA I ODABIR KORISNIKA

Sredstva iz točke III Javnog poziva raspoređit će se prema slijedećim kriterijima:

1. Visina uplate zakupa za korištenje lovišta koju je korisnik lovišta uplatio za lovnu 2023/2024. godinu,

2. Značaj aktivnosti sa aspekta unapređenja lovstva.

Vrednovanje na temelju kriterija visine uplate zakupa za korištenje lovišta koju je korisnik lovišta uplatio za lovnu 2023/2024. godinu vrši se na slijedeći način:

Podnosilac zahtjeva koji je za korištenje lovišta za lovnu 2023/2024. godinu uplatio najveći iznos zakupnine za korištenje lovišta dobiva maksimalnih 7 bodova, a svaki naredni dobiva po jedan bod manje.

Vrednovanje po osnovu kriterija „Značaja aktivnosti sa aspekta unapređenja lovstva” vrši se na slijedeći način:

Svim zahtjevima koji se odnose na sufinansiranje nabavke opreme za lovočuvarsku službu (terenska vozila, kroseri, ili druga oprema kojom će se unaprijediti rad lovočuvarske službe) dodjeljuje se 8 bodova.

Svim zahtjevima koji se odnose na sufinansiranje izgradnje i održavanja lovno-uzgojnih objekata (pojilišta, hranilišta, prihvatilišta za divljač), na nabavku i distribuciju hrane i vode za divljač dodjeljuje se 6 bodova.

Svim zahtjevima koji se odnose na sufinansiranje izgradnje lovno-tehničkih objekata (lovačke kuće, čeke i drugi objekti) dodjeljuju se 4 boda.

Svim zahtjevima koji se odnose na sufinansiranje izdavačke djelatnosti, edukaciju članova korisnika lovišta dodjeljuju se 2 boda.

Dobiveni bodovi se unose u tabelu i vrši se izračun dodijeljenih sredstava po formulama i na način prikazan u točki 7. Programa utroška novčanih sredstava s pozicije „Namjenska sredstva od naknada za lovstvo” za 2024. godinu.

VII ROKOVI (TRAJANJE POZIVA), NAČIN PODNOŠENJA PRIJAVE NA JAVNI POZIV

Rok za dostavljanje prijave je 30 dana od dana objave javnog poziva na web stranici Ministarstva poljoprivrede, šumarstva i vodoprivrede i Vlade HNŽ/K. Zahtjevi (prijave) sa dokumentacijom se dostavljaju u zatvorenoj koverti osobno ili putem pošte na adresu:

**Ministarstvo poljoprivrede, šumarstva i vodoprivrede HNŽ/K,
Hrvatske mladeži bb, 88 000 Mostar**

sa naznakom NE OTVARATI - „Javni poziv za odabir projekata korisnika lovišta koji će se sufinancirati iz „Namjenskih sredstava od naknada za lovstvo“ za 2024. godinu.

VIII NAČIN OBJAVE POZIVA I DOKUMENTACIJE VEZANE ZA POZIV

Skraćeni tekst Javnog poziva objavljuje se u dva dnevna glasila – Dnevni avaz i Večernji list, a cjeloviti tekst istog na službenoj stranici Ministarstva www.mpsv-hnz-k.ba i službenoj stranici Vlade HNŽ/K.

Obrazac prijave za Javni poziv i Izjava o namjenskom utrošku dodijeljenih sredstava može se preuzeti sa službene stranice Ministarstva i Vlade HNŽ/K ili u Upravi za šumarstvo koja je u sastavu Ministarstva poljoprivrede, šumarstva i vodoprivrede HNŽ/K, adresa Hrvatske mladeži bb, 88 000 Mostar.

IX ZAVRŠNE ODREDBE

Postupak pregledanja prijava za dodjelu sredstava iz Javnog poziva provodi Uprava za šumarstvo u okviru ovog Ministarstva, koja će utvrditi formalnu ispravnost istih u smislu njihove blagovremenosti, potpunosti i urednosti.

Ministar će imenovati Povjerenstvo koje će na temelju kriterija navedenih u Javnom pozivu provesti ocjenu i bodovanje pristiglih pravovaljanih i blagovremenih prijava. Nakon provedenog postupka Uprava za šumarstvo će dostaviti Ministru prijedlog raspodjele sredstava korisnicima u skladu sa bodovnom listom koju će sačiniti navedeno Povjerenstvo.

Svaki član Povjerenstva bit će isključen iz postupka dodjele sredstava ukoliko se utvrdi da je u sukobu interesa u odnosu na podnosioca prijave.

Podnosioci prijave imaju mogućnost da Ministarstvu poljoprivrede, šumarstva i vodoprivrede HNŽ/K prijave sumnju na postojanje sukoba interesa, a Ministarstvo će odlučiti po svakoj prijavi.

U skladu sa prijedlogom raspodjele sredstava Ministar će donijeti pojedinačne odluke o raspodjeli sredstava iz Tekućeg transfera neprofitnim organizacijama, te će se zaključiti ugovori o suradnji, korištenju i načinu utroška odobrenih sredstava kojim će se detaljno urediti međusobna prava i obaveze Ministarstva i korisnika kojima su sredstva odobrena.

Informacije vezane za javni poziv mogu se dobiti svakim radnim danom od 9,00 – 14,00 sati pozivom na brojeve telefona 036-445-900; 036-445-957 ili putem e-maila ministarstvopoljhn@gmail.com.

Broj: 06-22-1449-1/24
Mostar, 02.07. 2024. godine

